



Broj: T18 0 KT 0017876 24
Brčko, 27.12.2024. godine

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta Bosne i Hercegovine podižem:

OPTUŽNICU

Protiv:

MIRZETA BEGOVIĆA, rođen ...2005. godine u Brčkom (...),

Što je:

Dana 06.08.2024. godine, oko 21,00 časova, u mjestu Boće, Brčko distrikt BiH, upravljajući pmv marke „Opel Zafira“ registarskih oznaka ... lokalnim putem iz pravca Gornjeg Zovika u pravcu Omerbegovače, krećući se brzinom od 90,1 km/h, suprotno članu 43 stav (1) Zakona o osnovama bezbjednosti saobraćaja na putevima u Bosni i Hercegovini, znajući da je na tom putu dozvoljena brzina kretanja 60 km/h, pa dolaskom do kuće broj 67, vlasništvo I. B., znajući da preticanje smije da obavi samo ako time ne ometa normalno kretanje vozila koja dolaze iz suprotnog smjera, suprotno članovima 57 stav (1) i 61 stav (4) Zakona o osnovama bezbjednosti saobraćaja na putevima u Bosni i Hercegovini, svjestan da time ugrožava javni saobraćaj i dovodi u opasnost život ljudi, olako držeći da do saobraćajne nezgode neće doći, u namjeri da otpočne preticanje teretnog motornog vozila marke „Man“, registarskih oznaka ..., kojim je upravljao P. L., Mirzet je vozilom prešao u lijevu saobraćajnu traku namijenjenu za kretanje vozila iz suprotnog smjera, gdje se kretao moped marke „Sonic“, registarskih oznaka ... kojim je upravljala D. B., svojom desnom kolovoznom trakom, dozvoljenom brzinom od 42,4 km/h, na odstojanju koje nije bilo bezbjedno za preticanje, kada je prednjom čeonom stranom svog vozila, Mirzet ostvario kontakt sa čeonim dijelom mopeda, usljed čega je od naletne sile udara vozila oborio D, sa mopeda, te je prilikom izvjesnog preleta i konačnog prizemljenja, kontaktiranjem pojedinih dijelova tijela sa čvrstom mehaničkom preprekom ograničene i neravne površine kontakta, djelovanjem sila udara i inercijalnih sila, D. zadobila višestruke teške tjelesne povrede, između ostalog u sklopu povređivanja glave, djelovanjem znatne sile dominantno u čeonu predio glave, čime je došlo do znatnog oštećenja tkiva mozga, povećanja pritiska unutar lobanjske duplje usljed krvarenja u prostor ispod tvrde moždane opne, krvarenja u meko-moždanični prostor te prodora krvi u moždani komorni sistem, što je dovelo do oštećenja za po život važnih centara u mozgu i imalo za neposrednu posljedicu direktnu smrt, a konkurentni uzroci smrti su i nastali izliv krvi u obje grudne duplje i podlivenost sredogrudnog tkiva usljed rascjepa zida luka aorte u sklopu povređivanja grudnog koša, i izliv krvi u trbušnu duplju,

dakle, kao učesnik u saobraćaju nije se pridržavao saobraćajnih propisa i tako ugrozio javni saobraćaj da je doveo u opasnost život ljudi, iz nehata, pa je zbog toga prouzrokovana smrt jednog lica,

čime je učinio krivično djelo – Teška krivična djela protiv bezbjednosti javnog saobraćaja – iz člana 330 stav (4) u vezi sa članom 326 stav (3) Krivičnog zakona Brčko distrikta BiH.

Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.
